

四庫全書薈要

• 乾隆御覽本

集部

五百家註昌黎文集卷三十三 宋 魏仲舉 編

墓誌銘

楚國夫人墓誌銘

韓曰夫人許國公韓弘妻也夫人之塋公武尚執喪不變許國亦以是年十二月薨則公武已先死矣許國之誌詳焉

楚國夫人姓翟氏故檢校御史大夫宋州刺史良佐之

女今司徒

一無今字

兼中書令許國公之妻

樊曰許國公韓弘也

前廊

州節度使散騎常侍兼御史大夫公武之母夫人在家以孝友聰明為父母所偏愛選所宜歸以適韓氏韓氏族大且貴父太尉劉公之甥

孫曰劉玄佐之甥  
○一本父作又

內外尊顯夫人

入門上下莫不贊賀事皇姑齊國太夫人

祝曰太夫人  
弘母劉氏也

玄佐  
之妹

肅恭誠至奉養不怠皇姑以夫人能盡婦道稱之

六親其事夫義以順其教子愛以公司徒公曰我之能守貴富不危溢者楚國有助焉耳大夫領梁偏師卒就蔡功受節居藩為邦家令人父母之教然也

孫曰元和  
十年九月

以宣武軍節度使韓弘為淮西行營都統弘遣其子公武領宣武兵三千人隸李光顏討蔡十二年冬蔡州平十一月以公武為

鄜坊丹延節度使

夫人以元和十四年十一月一日薨

于鄜之公府春秋若干大夫委節去位奉喪以居東都詔再起之辭以羸毀不任即命又加喻勉固守不變天

子嗟歎之

孫曰公武執喪不變元和十五年正月以弘弟元代公武為節度使

長慶二年

三月某日塋夫人于洛陽北山夫人生二子長曰肅元為太子司議郎以卒贈尚書主客郎中其次大夫公武也銘曰

翟氏之先蓋出宗周

韓曰元和姓纂云翟黃帝之後代居翟地後為晉所滅

璜顯

於魏以佐文侯

韓曰史記魏文侯謂李克曰家貧則思良妻國亂則思良相今所置非魏成則

翟璜卒以成為相翟璜佐魏文侯所進者西河之

高陵

守西門豹樂羊李克屈侯鮒等五人文侯皆臣之

相漢

樊曰成帝永始二年十一月以翟方進為丞相封高陵侯綏和二年二月罷

義以家酬

韓曰王莽居攝元年九月方進子東郡太守義舉兵誅

莽凡二月兵敗死莽發方進及先祖冢在汝南者焚棺

夷三族誅

遷于南陽始自郎苗逮魏晉宋代不絕史以

及種嗣

至夫人太守之子司徒之妻大夫之母公居河東

孫曰河東

言汴河也弘在宣武凡二十一年元和十四年秋自宣武入朝願留京師八月拜司徒策中書令其冬妻翟氏

卒於鄜州。○

子在鄜時

孫曰鄜坊丹延節度治鄜州史記秦文公夢黃蛇自天下屬地

其口止於鄜衍文公問史敦敦曰此上帝之徵君其祠之於是作鄜時祭白帝今之鄜州蓋取名於此

爲

王屏翰有壤千里公曰姑止以承我祀子曰母兮莫我撫已文駟雕軒往來有煒莫尊於母莫榮於妻從古迄

今孰盛與夷

祝曰夷等也

用昭厥裔篆此銘詩

### 唐故國子司業竇公墓誌銘

韓曰公嘗有送竇平從事序云其族人殿中侍御史牟合東都之交遊能文者賦詩以贈之必此司業公也惟序稱殿中侍御史而誌不載若可疑焉然誌言兩佐東都留守則序

所謂合東都之交  
遊即謂司業明矣

國子司業竇公諱牟字某

程曰字貽周京兆金城人

六代祖敬遠嘗

封西河公

一有至公之三字

大父同昌司馬比四世

一作代

仍襲

爵名

樊曰敬遠孫善衡左衛將軍善衡子懷宣洪州都督懷宣子允同昌郡司馬皆襲封西河公同昌郡

扶同昌諱允生皇考諱叔向官至左拾遺溧水令

樊曰叔向

字遺直以詩自名與常袞善大歷十二年四月袞平章事用叔向為左拾遺內供奉十四年閏五月袞貶河南少尹叔向出為溧水令○溧音栗

贈工部尚書尚書於大歷初名能為

詩文及公為文亦最長於詩

樊曰叔向五子常牟羣庠輩皆工詞章為聯珠集行

於時義取昆弟若五星然  
羣新史有傳年等附焉

孝愛謹厚

一作孝謹厚重

舉進士登

第

孫曰貞元二年進士

佐六府五公八遷至檢校郎中

檢校下一有虞部二

字

元和五年真拜尚書虞部郎中轉洛陽令都官郎中

澤州刺史以至司業年七十四

補注年生於天寶八年

長慶二年

二月丙寅以疾卒其年八月某日塋河南偃師先公尚

書之兆次

任曰周禮冢人掌公墓之地辨其兆域兆塋域也

初公善事繼母家

居未出學問於江東尚幼也名聲詞章行于京師人遲

其至

遲音揖

及公就進士且試其輩皆曰莫先實生于時



公舅袁高爲給事中

李曰高字公願滄州東光人曾祖恕已南陽郡王恕已子建康淮陽

太守建康子高貞元初爲給事中

方有重名愛且賢公然實未嘗有以

干有司公一舉成名而東遇其黨必曰非我之才維吾

舅之私其佐昭義軍也遇其將死

孫曰貞元二十年六月昭義軍節度使李

長榮公權代領以定其危後將盧從史

孫曰貞元二十年八月以昭義

兵馬使盧從史爲節度使

重公不遣奏進官職公視從史益驕不遜

偽疾經年輦歸東都

祝曰輦昇車也呂氏春秋不輦命封夏后之後於杞前漢皇后輦駕

○輦字

從史卒敗死

孫曰元和五年六月從史爲其都知兵馬使烏重胤所縛送京師

音預

驪州司馬卒

公不以覺微避去為賢告人公始佐崔大夫縱

留守東都

樊曰貞元二年九月以吏部侍郎崔縱為東都留守奏年為府巡官

後佐留守

司徒餘慶

樊曰元和五年六月以河南尹鄭餘慶為東都留守奏年為府判官

歷六府五

公

韓曰牟初為東都留守巡官歷河陽昭義從事再為留守判官

文武細麤不同自始

及終於公無所悔望有彼此言

一有者字

六府從事幾且百

人有愿姦易險賢不肖不同公一接以和與信卒莫與

公有怨嫌者其為郎官令守慎法寬惠不刻教誨於國

學也嚴以有禮扶善遏過

一作益

益明上下之分以躬先

之恂恂愷悌得師之道公一兄三弟常羣庠輩

音拱

常進

士

補注常字中行大歷十四年進士

水部員外郎朗菱江撫四州刺史

羣以處士徵

孫曰羣字丹列以處士隱居毗陵貞元十六年十月吏部侍郎韋夏卿為京兆尹薦

羣徵拜左拾遺

自吏部郎中拜御史中丞

樊曰元和二年正月以武元衡同平章事

舉羣代已為御史中丞

出帥黔容以卒

孫曰元和三年十月貶黔中觀察使八年四月遷容

管經略使九年召還至衡州卒

庠三佐大府

樊曰庠字肖卿貞元二十一年五月韓皋出鎮武昌

奏庠為推官元和三年二月皋移鎮浙西以庠為副使又為宣歙副使

自奉先令為登州

刺史輩亦進士

韓曰輩字友封元和二年登第

以御史佐淄青府

孫曰元和

十四年三月以薛平為平盧  
淄青節度使表舉自副

皆有材名公子三人長曰周

餘好善學文

一作好學善文

能謹謹致孝述父之志曲而不黷

次曰某少曰某皆以進士貢女子三人愈少公十九歲

補注公大厯三年生至是年五十  
五故云少公十九歲少或作以非

以童子得見於今四

十年始以師視公

視一作事

而終以兄事焉公待我一以朋

友不以幼壯先後致異公可謂篤厚文行君子矣其銘

曰

后緡竇逃閔腹子

祝曰哀元年左氏昔有過澆滅夏后  
相后緡方孕逃出自竇歸于有仍

夏以再家竇為氏

祝曰后紹生少康克復舊物少康二子曰杼曰龍龍留居有仍遂為竇氏

聖愕旋河犢引比

樊曰龍六十九世孫為鳴犢史記云孔子不得用於衛將西見趙簡子至

于河聞竇鳴犢舜華之死臨河而嘆曰美哉水洋洋乎丘之不濟此命也夫鳴犢舜華晉國之賢大夫也簡子未得志之時須此兩人而後從政及其已得志殺之丘聞之也剗胎殺夭則麒麟不至竭澤而漁則蛟龍不游鳥獸之於不義尚知辟之而況丘哉旋河謂相嬰撥漢

納孔軌

樊曰鳴犢七世孫世世子嬰字王孫家觀津漢武帝建元六年六月為丞相軌法也言撥去亂

政納之於法韓曰竇太后從兄子嬰相武帝太后好黃老而嬰務隆推儒術賤道家言此云撥漢納孔軌蓋謂嬰撥漢家黃老之習而納之孔子之道左氏所謂納於軌物前漢叙傳所謂伏周孔之軌跡也○撥一作發

後去觀津

觀音

而家平陵

韓曰世弟危危子充徙居清河充子廣國字少君孝文皇

后之弟廣國子誼誼子賞宣帝時以吏二千石徙扶風平陵

遙遙厥緒

樊曰何昌寓為吏部有姓

閑者求官自曰子騫後昌寓笑曰遙遙華胄遙遙字出此

夫子是承我敬其人我懷

其德作詩孔哀質于幽刻

一作石

唐故正議大夫尚書左丞孔公墓誌銘

補注孔幾新舊史皆有傳

孔子之後三十八世有孫曰幾

孔曰孔子後三十五世曰務本為東光令務本

子如珪海州司戶如珪子岑父著作佐郎巢父給事中岑父五子載幾載幾載

字君嚴事唐為

尚書左丞

孫曰長慶二年以  
幾為尚書左丞

年七十三上書去官

孫曰

長慶三年幾

天子以為禮部尚書祿之終身而不敢煩

累表請老

以政

樊曰詔幾以禮部尚書致仕優詔褒美  
仍令所司歲致羊酒如漢禮徵士故事

吏部侍郎

韓愈常賢其能謂曰公尚壯上三留奚去之果曰吾敢

要吾君年至

一本无  
至字

一宜去

洪曰蓋取樊勝郿漢俱乞  
骸骨詔曰古者有司年至

則致事今天夫年至矣補注禮大夫  
七十而致仕○或作宜去無一字

吾為左丞不能進

退郎官

一作中

唯相之為二宜去愈又曰古之老於鄉者

將自佚非自苦閤井田宅具在親戚之不仕與倦而歸

者不在東阡在北陌

補注曰南北曰阡東西曰陌

可杖屨來往也今

異於是公誰與居且公雖貴而無留資何恃而歸曰吾  
負二宜去尚奚顧予言愈面歎曰公於是乎賢遠於人

明日奏疏曰臣與孔幾同在南省數與相見

數音朔數與下一本

有孔幾二字

幾爲人守節清苦議論正平年纔七十筋力耳

目未覺衰老憂國忘家用意至到如幾輩在朝不過三  
數人陛下不宜苟順其求不留自助也不報明年長慶  
四年正月己未公年七十四告薨於家贈兵部尚書公



始以進士

補注建中元年

佐三府

孫曰貞元十六年四月以鄭清節度行軍司馬

盧蔭為本軍節度使來為判官九月蔭卒摠攝留務監軍楊志謙雅自肆衆皆恐蔭邀志謙至府與對榻卧起示不疑志謙嚴憚不敢動

官至殿中侍御史元和元年以大理正

徵累遷江州刺史諫議大夫事有害於正者無所不言

樊曰錢為諫議時中人劉希光受賕二十萬給抵死吐突承璀坐厚善逐為淮南監軍太子舍人李涉知憲宗意投匭上言承璀有功不可棄錢劾奏涉結近倖營罔上聽有詔斥涉峽州司馬

加皇太子侍

讀孫曰元和六年十月以錢為皇太子諸王侍讀改給事中言京兆尹阿縱罪

人詔奪京兆尹三月之俸

韓曰錢為給事中江西觀察使李少和坐賊獄寢不下博

陵崔易簡殺從父兄鞠狀具京兆尹左右之翻其情幾  
慷慨論正貶少和殺易簡奪尹三月俸一本無此句尹字

權知尚書右丞明年拜左丞

一無上三字

改華州刺史

孫曰元和

九年六月以戮為刺史

潼關防禦鎮國軍使 明年歲貢海蟲淡菜蛤蚶

祝曰蛤

蛤也說大蜃屬有三皆生於海千歲化為蛤秦謂之牡

蠣一曰百歲燕所化魁蛤一名復累老服翼所化蚶蚌

屬爾雅曰魁陸本草云狀如海蛤負而厚外橫可食之

從其理五味自充庖作羞○蛤音閭蚶呼甘切

屬一無可食二字自海抵京師道路水陸遞夫積功歲為四十

三萬六千人奏疏罷之下邳令咎外按小兒

邳音圭外按一作按

外繫御史獄公上䟽理之詔釋下邳令而以華州刺史

為大理卿

孫曰元和十年二月以李絳代戡為華州以戡為大理卿○而以一作而自又作行自一

無刺史二字

十二年自國子祭酒拜御史大夫嶺南節度等

使

樊曰元和十二年七月嶺南節度使崔詠卒帝謂裴度曰嘗論罷蚶菜者誰歟今安在是可為朕求之度

以戡對庚戌以戡為節度使

約以取足

任曰戡剛正清儉請剋史俸料之外絕其取索境內

諸州負錢至二百萬悉放不收

韓曰戡既至免屬州逋負千八萬給米八萬斛

黃金稅歲八百兩

蕃舶之至泊步有下碇之稅

韓曰步水岸渡處碇鍾舟石與

訂同○破丁定切

始至有閱貨之燕犀珠磊落賄及僕隸

賄一作財

公皆罷之絕海之商有死于吾地者官藏其貨滿三月

無妻子之請者盡沒有之

或無有字

公曰海道以年計往復

何日月之拘苟有驗者悉推與之無筭遠近厚守宰俸

而嚴其法

韓曰先是屬刺史俸率三萬又不時給皆取部中自衣食職至倍其俸約不得為貪暴稍

以法繩之

嶺南以口為貨其荒阻處父子相傳為奴

傳一作縛公

一禁之有隨公之吏得無名兒蓄不言官有訟者

訟一作告

公召殺之山谷諸黃世自聚為豪觀吏厚薄緩急或叛

或從

張曰自貞元中黃洞諸蠻叛久不平

容桂二管利其虜掠請合兵討

之

孫曰元和十四年容管經略使楊旻桂管觀察使裴行立欲徵幸立功爭請討上從之

異一有

功有所指取當時天子以武定淮西河南北用事者以

破諸黃為類

一作頌

向意助之公屢言遠人急之則惜性

命相宅聚為寇緩之則自相怨恨焉況此禽獸耳

一作自相

怨恨而散此禽獸耳一作自相怨恨而散焉此禽獸耳

但可自計利害不足與論

是非天子入先言遂歛兵江西岳鄂湖南嶺南會容桂

之吏以討之被霧露毒相枕藉死百無一還安南乘勢

殺都護李象古

孫曰元和十四年十月安南軍亂殺都護李象古并家屬部曲皆遇害

桂

將裴行立容將楊旻皆無功數月自死

孫曰十五年七月行立旻相繼

卒○數月  
一作數日

嶺南囂然祠部歲下廣州祭南海廟廟入海

口為州者皆憚之不自奉事常稱疾命從事自代唯公

歲常自行官吏刻石為詞美之

詞一作詩嚴曰事見本集南海神廟碑云元和

十二年詔用魯國孔公為廣州刺史又云至州之明年即十三年又云明年祀歸即十四年又云明年其時公又因往即十五年也按退之以十四年貶潮州冬至袁州則十五年已移袁州矣舊史云歲每受詔自犯風波而往愈在潮州作十五年遷尚書吏部侍郎

補注十五年九月遷

詩美之其說蓋誤

拜公之北歸不載南物奴婢之籍不增一人長慶元年

改右散騎常侍二年而為尚書左丞曾祖諱務本滄州

東光令祖諱如珪海州司戶參軍贈尚書工部郎中皇

考諱岑父秘書省著作佐郎贈尚書左僕射公夫人京

兆韋氏父种大理評事有四子長曰溫質四門博士遵

孺遵憲遵裕

史作溫裕

皆明經女子長嫁中書舍人平陽路

隋祝曰隋後官至宰相唐史有傳其季者幼公之昆弟五人載戢戢戢

樊曰以世系表考之岑父生載戢戢戢戢戢戢給事中

生溫質溫孺溫憲溫裕戢昭義節度判官戢庫部員外

郎以傳考之溫裕仕為天平節度使戢京兆尹與表不

同誌謂戢兄弟五人而表又有威誌云遵孺遵憲遵裕

傳云遵孺溫裕表又悉以

遵為溫當考○戰音衝

公於次為第二公之薨戢自

湖南入為少府監

孫曰長慶元年正月戢自湖南觀察入為少府監

其年八月

甲申戢與公子塋公于河南河陰廣武原

祝曰河陰縣名屬河南

先

公僕射墓之左銘曰

孔世三十八

韓曰一本云孔世世八世蘇合切說文作帛俗作卅又一本云孔子世三十八

前之說則省字後之說則加字皆非文意孔世三十八於理自暢拘字之偶非古也

吾見其孫白

而長身

一作白一作自

寡笑與言其尚類也

一作耶

莫與之倫

祝曰倫比

也一本作莫之與倫左傳所謂莫之與京也

德則多有請考于文

唐故江南西道觀察使中大夫洪州刺史兼御



史中丞贈左散騎常侍太原王公墓誌銘

補注邵氏閑見錄曰孔子作經使後世讀易者如無春秋讀書者如無詩其法固不知也獨韓退之作王仲舒碑文作誌蘇子瞻作司馬君實行狀又作碑其事同其詞各異庶幾知之矣碑見三十一卷○一本無中大夫洪州刺史兼御史中丞

公諱仲舒字弘中

孫曰井州祈人

少孤奉其母居江南游學有

名

孫曰仲舒少客江南與梁肅楊憑游有文稱

貞元十年

嚴曰按王弘中碑云貞元初策拜左

拾遺與陽城合過裴延齡不符為相墓誌則曰貞元十年以賢良方正拜左拾遺按陸贄之貶在十一年春而陽城傳云裴延齡說毀陸贄等坐貶黜城率拾遺王仲舒數人守延英上疏則墓誌云十年是矣

以賢

良方正拜左拾遺改右補闕禮部考功吏部三員外郎

貶連州司戶參軍改夔州司馬佐江陵使改祠部員外

郎復除吏部員外遷職方郎中知制誥出為硤州刺史

遷廬州未至丁母憂服缺改婺州蘇州刺史

改一作除

徵拜

中書舍人既至謂人曰吾老不樂與少年治文書

樂一作宜

得一道有地六七郡為之三年貧可富亂可治身安功

立無愧於國家可也日日語人丞相間問語驗即除江

南西道觀察使兼御史中丞

仲舒履歷事跡並見三十一卷碑注

至則奏

罷榷酒錢九十萬

十或作十

以其利丐貧民

丐一作興

又罷軍吏

官債五千萬悉焚簿文書

一無文字

又出庫錢二千萬以丐

貧民遭旱不能供稅者禁浮屠

禁一作學

及老子為僧道士

不得於吾界內因出野

出一作山

去浮屠老子象

去一作立

以其

誑丐漁利奪經人之產

經一作編

在官四年數其蓄積錢餘

於庫米餘於廩朝廷選公卿於外將徵以為左丞吏部

己用薛尚書代之矣

孫曰長慶三年十一月以尚書左丞薛放代仲舒鎮江西

長慶

三年十一月十七日未命而薨年六十二天子為之罷

朝贈左散騎常侍遠近相弔以四年二月某日塋于河

南某縣先塋之側公之為拾遺朝退天子謂宰相曰第

幾人非王某邪是時公方與陽城更疏論裴延齡詐妄

士大夫重之為考功吏部郎也下莫敢有欺犯之者非

其人雖與同列未嘗比數收拾故遭讒而貶及知制誥

知一盡力直友人之屈

樊曰友人蓋楊憑憑尹京兆日御史中丞李夷簡劾憑江西姦

職貶臨賀尉云

不以權臣為意又被讒而出元和初發

○屈一作亮

州大旱人餓死戶口亡十七八

一無口字

公居五年

一無公字

完

富如初按劾羣吏奏其贓罪州部清整加賜金紫其在

蘇州治稱第一公所至輒先求人利害廢置所宜閉閤

草奏又具為科條與人吏約事備悉一旦張下民無不

抃叫喜悅或初若小煩旬歲皆稱其便公所為文章無

世俗氣其所樹立殆不可學曾祖一有玄暎音比部員

外郎祖諱景肅丹陽太守考諱某一作襄鄧等州防禦

使鄂州採訪使贈工部尚書工一公先妣渤海李氏贈

渤海郡太君公娶其舅女有子男七人初哲貞弘泰復

洄初進士及第哲文學俱善其餘幼也長女壻劉仁師

高陵令

孫曰仁師字行興彭城人武德名臣刑部尚書德威之五世孫大厯中詩人商之猶子劉禹錫

書為仁師撰

次女壻李行修

孫曰元和四年行修登第○一作行循

尚書

刑部員外郎銘曰

氣銳而堅

一作大

又剛以嚴

又一作又

哲人之常

哲一作若

愛人盡

已不倦以止

止一作正

乃吏之方與其友處順若婦女何德

之光墓之有石我最其迹

最一作撮

萬世之藏

唐故殿中少監馬君墓誌

此篇後闕

君諱繼祖

樊曰繼祖始生德宗賜名退而笑曰是有二義謂之索繫組事見國史補

司徒贈

太師北平莊武王之孫

補注王名越字洵美

少府監贈太子少傅

諱暢之子

樊曰越二子秉暢暢娶盧氏生二子長放次繼祖集注按傳越贈太傅此云贈太師暢贈

工部尚書公元和九年為其夫人作墓誌亦云贈工部尚書此云贈太子少傅豈其後累贈至此耶

生四

歲以門功拜太子舍人積三十四年五轉而至殿中少

監年三十七以卒有男八人女二人始余初冠

孫曰貞元三年

公年二十應進士舉在京師窮不能自存以故人稚弟

樊曰貞元

三年平涼之盟馬燧預謀韓弁時以殿中侍御史為判官死焉其年罷兵燧奉朝請京師弁公之兄也

拜

北平王於馬前王問而憐之因得見於安邑里第王軫

其寒飢

補注軫悼閔也

賜食與衣

祝曰表記君子問人之寒則衣之問人之飢則食之○食

音嗣衣去聲

召二子使為之主其季遇我特厚少府監贈太

子少傅者也姆抱幼子立側

祝曰姆女師也儀禮姆纓笄宵衣在其右注姆婦人

年五十無子出而不復嫁能以婦道教人者若今時乳母矣○姆莫捕切又莫豆切

眉眼如畫髮

漆黑肌肉玉雪可憐

洪曰可憐舊作可念按妬記云王丞相夫人於青疎臺中觀有兩三兒騎

羊皆端正可念黃魯直亦嘗用玉雪可念語

殿中君也當是時見王於北亭

猶高山深林

一有鉅谷二字

龍虎變化不測傑魁人也

補注謂莊武王



燧燧身長六尺二寸

退見少傅翠竹碧梧鸞鵠停峙

孫曰謂猶鸞鵠停於竹梧

之能守其業者也

補注少傅暢

幼子娟好靜秀瑤環瑜珥蘭

茁其芽

祝曰茁草初生貌詩彼茁者葭○茁鄙滑切又側劣切

稱其家兒也後四

五年吾成進士

樊曰公貞元八年登第

去而東游哭北平王於客舍

樊曰十一年五月公東歸河陽八月燧卒

後十五六年吾為尚書都官郎分

司東都而少傅卒哭之

樊曰元和五年暢卒自貞元十一年至是凡十六年○而下一

有分府二字

又十餘年至今哭少監焉

孫曰長慶初繼祖卒

嗚呼吾未

耄老自始至今未四十年而哭其祖子孫三世于人世

何如也人欲久不死而觀居此世者何也

一作耶

五百家註昌黎文集卷三十三

五百家註昌黎文集卷三十四 宋 魏仲舉 編

墓誌銘

南陽樊紹述墓誌銘

樊曰紹述卒且葬誌皆無年月或法不必載也按紹述作絳守居園池記乃長慶三年五月十七日而公卒以四年十二月則疑在長慶三四年間。滿注後山詩話歐陽謂退之為樊宗師墓誌便似樊文其始出於司馬子長為長卿傳如其文惟其過之故兼之也

樊紹述既卒且葬

豫曰紹述河中人

愈將銘之從其家求書

一從

促作得書號魁紀公者三十卷曰樊子者一無又三十卷

春秋集傳十五卷表牋狀策書序傳記紀誌說論今文

讚銘一無紀字凡二百九十一篇道路所遇及器物門里雜

銘二百二十賦十詩七百又十九樊曰今以藝文志考之皆有其目獨銘賦

詩亡焉所謂表牋狀策等文凡二百九十一篇曰樊宗師集二百九十一卷數同而以卷為篇疑誌之字誤也

一本又字作一曰多矣哉古未嘗有也然而必出於已不蹈

襲前人一言一句又何其難也洪曰國史補云元和之後文筆則學奇於韓愈

學滋於樊宗師追之作樊基統稱其為文不剽襲觀絳守居園池記誠然亦太奇過矣本朝王晟劉忱皆為之

注解如瑤翻碧漱鬼眼傾耳等語皆前人所未道也補  
注歐陽公跋絳守居園池記云元和文章之盛極矣其  
奇怪至於如此又詩曰嘗聞紹述絳守居偶來登覽周  
四隅異哉樊子怪可吁心欲獨去無古初窮荒探幽入  
無有一語詰曲百盤紆執云已出  
不剽襲句斷欲學盤庚書云云必出入仁義其富若

生蓄萬物必具海含地負

負載

放恣縱橫

縱子

無所統

紀然而不煩於繩削而自合嗚呼紹述於斯術其可謂

至於斯極者矣生而其家富貴長而不有其藏一錢妻

子告不足顧且笑曰我道益是也

孫曰言益如是也

皆應曰然

無不意滿嘗以金部郎中告哀南方

樊曰元和十五年正月憲宗崩宗師

以金部郎中告袁南方

還言某帥不治罷之以此出為綿州刺史

一無出字

一年徵拜左司郎中又出刺絳州綿絳之人至今

皆曰於我有德以為諫議大夫命且下

一作命且日下

遂病以

卒

一作遂以病卒

年若干紹述諱宗師父諱澤

孫曰澤字安時

嘗帥襄

陽江陵官至右僕射贈某官

孫曰興元元年正月樊澤為山南東道節度使貞元

二年閏五月徙鎮荆南八年二月自荆南復為山南東道節度使十二年加檢校右僕射十四年九月卒于鎮

贈司空

祖某官諱泳

樊曰泳試大理評事累贈兵部尚書

自祖及紹述三世

皆以軍謀堪將帥策上第以進

孫曰開元中泳舉草澤科建中元年澤舉賢良

方正直言極諫科元和三年四月

宗師舉軍謀宏遠堪任將帥科  
紹述無所不學於辭

於聲

補注聲樂也下言觀樂是已

天得也

一作天地得也

在衆若無能者嘗

與觀樂問曰何如曰

一有某字

後當然已而果然銘曰

惟古於詞必已出降而不能乃剽賊

賊一作脫

後皆指前公

相襲

孫曰公然相襲

後漢迄今用一律寥寥久哉莫覺屬神祖

聖伏道絕塞

祝曰祖姓也

既極乃通發紹述文從字順各識

職有欲求之此其躅

故中大夫陝府左司馬李公墓誌銘



公諱邢

薄經反

字某雍王會之後

孫曰會當作繪太祖景皇帝之第五子也為隋

夏州總管。雍於宋反。

王孫道明唐初以屬封淮陽王又追王其

祖父

追王之王字音狂

曰雍王長平王

孫曰繪子贄贄子道玄武德元年六月封道玄

淮陽王追封繪曰

淮陽生景融

孫曰五年十月道玄與黑闥戰於下博道玄戰

雍贄為河南王

沒無嗣以其弟道明嗣為淮陽王終郢州刺史生景融。一本作長平生淮陽王淮陽王生景融

景融親

益疎不王生務該務該生思一思一生宐

魚反切

比四世

官不過縣令州佐然益讀書為行為士大夫家宐為蜀

州晉原尉生公未晬以卒

祝曰子生一歲曰晬說文周年也。晬祖對切

無家

母抱置之姑氏以去姑憐而食之

食音

至五六歲

孫曰

實八  
年生

自問知本末因不復與羣兒戲常默默獨處曰吾

獨無父母不力學問自立不名為人年十四五

一無  
年字能

閣記論語尚書毛詩左氏文選凡百餘萬言凜然殊異

姑氏子弟莫敢為嬌

一作  
敵

浸傳之聞諸父

一作浸傳  
聞之諸父

諸

父泣曰吾兄尚有子邪迎歸而坐問之應對橫從無難

從音

諸父悲喜顧語羣子弟曰

語一  
作謂

為汝得師

一作吾為  
汝得師

於是縱學無不觀以朝邑負外尉選

孫曰選謂  
選於吏部

魯公真

卿

樊曰魯郡顏真卿為吏部侍郎

第其所試文為上等

孫曰試書判拔萃為上等

擢

為同官正尉曰文如李尉乃可望此其後比以書判拔

萃選為萬年尉為華州錄事參軍爭事於刺史去官為

陸渾令河南尹鄭餘慶薦之朝

孫曰元和十年十月鄭餘慶為河南尹

拜

南鄭令

補注南鄭興元屬縣疑此處有脫誤

尹家奴以書抵縣請事公走

府出其書投之尹前尹慙其庭中人曰令辱我令辱我

一無上三字

且曰令退遂怨之拾掇三年無所得拜宗正丞

宰相以文理白為資州刺史公喜曰吾將有為也讒宰相者

言之上曰是與其故故得用改拜陝州左司馬

孫曰陝  
號節度

使衛中行  
辟佐其府

公又喜曰是官無所職吾其不以吏事受責

死矣長慶元年某月丙辰

俗本無  
某月字

以疾卒春秋七十三公

內外行完潔白奮厲再成有家士大夫談之夫人博陵

崔氏朝邑令友之之女其曾伯父玄暉有功中宗時

樊曰

長慶四年六月玄暉為鳳閣侍郎同平章事神龍元年  
正月率羽林兵誅張易之昌宗迎太子監國是為中宗

夫人高明遇子婦有節法進見侍側肅如也七男三女

邠為澄城主簿其嫡激郾城令放芮城尉漢監察御史

樊曰漢字南紀元和七年進士

漚洸潘

集注漚字經野洸字正武潘字

子及。漚音

皆進士

樊曰舊史漢弟漚洸潘皆登進士第潘大中初為禮部侍郎

及

公之存內外孫十有五人五月庚申葬華陰縣東若干

里漢韓氏壻也

補注漢即公壻

故予與為銘其詞曰

愈下而微既極復飛其自公始公多孫子將復其祀

其一

廟作

故幽州節度判官贈給事中清河張君墓誌銘

樊曰張徹為范陽府監察御史其帥張弘靖也誌不出弘靖姓名但書曰帥諱之焉耳

張君名徹字某以進士

祝曰徹中進士第在元和四年

累官至范陽府

監察御史長慶元年今牛宰相為御史中丞

祝曰元和十五年十

二月牛僧孺為御史中丞

奏君名迹中御史選詔即以為御史其府

惜不敢留遣之而密奏幽州將父子繼續不廷選且久

今新收臣又始至

孫曰長慶元年二月幽州節度使劉總請去位三月以總為太平軍節度

使以宣武軍節度使張弘靖為幽州節度使代總

孤怯須強佐乃濟發半道有

詔以君還之乃遷殿中侍御史加賜朱衣銀魚至數日

軍亂怨其府從事盡殺之而囚其帥且相約張御史長

者毋侮辱轢感我事

轢音歷

無罪無庸殺置之帥所居

樊曰

長慶元年七月幽州軍亂因節度使張弘靖於薊門館殺判官韋雍張宗元崔仲卿鄭垣都虞候劉操押牙張抱元等取朱滔子洄為留後以月餘聞有中貴人自京

徹長者不殺置之於薊門館

師至君謂其帥公無負此土人上使至可因請見自辯

幸得脫免歸即推門求出守者以告其魁魁與其徒皆

駭曰必張御史御史忠義必為其帥告此餘人不如遷

之別館即與衆出君

與一作以

君出門罵衆曰汝何敢反前

日吳元濟斬東市昨日李師道斬於軍中

孫曰元和十二年十一月

元濟斬於獨柳樹十四年二月  
師道為其兵馬使劉悟所殺

同惡者父母妻子皆屠

死肉餒狗鼠鴟鵂

樊曰新史書微事大抵出公此誌其所書罵賊語凡削六字改一字筆削

固史氏事然而改餒為飽則不若公語且有來處此前漢陳餘所謂以肉餒虎也

汝何敢反汝何

敢反行且罵衆畏惡其言不忍聞且虞生變即擊君以

死君抵死口不絕罵衆皆曰義士義士或收瘞之以俟

事聞天子壯之贈給事中其友侯雲長佐鄆使請於其

帥馬僕射

補注鄆曹濮節度使馬總也

為之選於軍中得故與君相

知張恭李元實者使以幣請之范陽范陽人義而歸之



以聞詔所在給船輦

音預

傳歸其家賜錢物以葬長慶四

年

一作三年

四月某日其妻子以君之喪葬於某州某所君

弟復亦進士

孫曰元和元年復中進士

佐汴宋得疾變易喪心驚惑

不常君得間即自視衣襦薄厚節時其飲食而七節進養

之一無養字禁其家無敢高語出聲醫餌之藥其物多空青

雄黃

嚴曰空青山出銅處銅精薰則生空青腹中空如楊梅者勝雄黃土武都山塊方數寸明徹如雞冠

者佳諸奇怪物劑錢至十數萬營治勤劇皆自君手不假

之人家貧妻子常有饑色祖踐某官父休某官妻韓氏

禮部郎中某之孫

祝曰雲卿之孫

汴州開封尉某之女

祝曰俞之女

於余為叔父孫女君常從余學選於諸生而嫁與之孝

順祗修羣女效其所為男若干人曰某女子曰某銘曰

嗚呼徹也世暮顧以行子揭揭也

揭音鴉

噓音以為生

噓一

結切暗於金切

子獨割也為彼不清作玉雪也仁義以為兵用

不折缺也知死不失名得猛厲也

厲嚴也。協韻音烈。

自申於

闇明莫之奪也我銘以貞之不肖者之旦也

旦相呵也。旦音恒。

故河南府法曹參軍盧君夫人墓誌銘

補注公室盧氏之  
母夫人苗氏也

夫人姓苗氏諱某字某上黨人

孫曰上黨  
長子縣人

曾大父襲夔

贈禮部尚書大父殆庶贈太子太師

樊曰以宰相世系  
考之襲夔生殆庶

延嗣殆庶生如蘭晉卿襲夔殆庶  
所贈官疑晉卿仕至宰相而贈也

父如蘭仕至太子司

議郎汝州別駕

樊曰此云別駕而表云永王  
府諮議參軍當以此為正

夫人年若

千嫁法曹盧府君

一作嫁范陽盧府君  
下再有府君二字

諱貽有文章德

行其族

言盧氏  
之族

世所謂甲乙者卒先夫人夫人生能配

其賢歿能守其法男二人於陵渾女三人皆嫁為士妻

韓曰夫人長女壻河南縣氏主  
簿唐元次亡公其季女壻也

貞元十九年四月四日

卒於東都敦化里年六十有九其年七月某日

七月一作八月

祔於法曹府君墓在洛陽龍門山其季女壻昌黎韓愈

為其誌銘

其一作之

其詞曰

赫赫苗宗族茂位尊或毗於王或貳於藩是生夫人

一是

作

載穆令聞爰初在家孝友惠純享乃于行

一作乃及于行

克

媿德門

媿匹詣切克一作光

肅其禮容

一作為禮一作禮

裕其為仁法曹

之終諸子實幼煢煢其哀介介其守循道不違厥聲彌

劭

一作既克其家厥園愈劭

三女有從二男知教問里歎息母婦思

儼歲時之嘉嫁者來寧累累外孫

累力逆切一本作累累

有攜有

嬰扶牀坐膝嬉戲謹爭既壽而康既備而成不歎于約不

矜于盈伊昔淑哲或圖或書嗟咨夫人孰與為儔刻銘

寘墓

寘一作誌

以贊碩休

### 故貝州司法參軍李君墓誌銘

韓曰參軍李翱習之之祖習之嘗自為其皇祖實錄其行治皆如誌所書翱之實錄終曰先祖有美而不知不明也知而不傳不仁也翱欲傳懼文章不足以稱頌道德光耀來世

是以頓首欲假辭於執事者亦惟不斥其愚而為之傳焉意翺乞公銘之辭也

貞元十七年九月丁卯隴西李翱合葬其皇祖考貝

州司法參軍楚金皇祖妣清河崔氏夫人

孫曰夫人父球宛郾

懷三州刺史

于汴州開封縣某里昌黎韓愈紀其世著其

德行以識其葬其世曰由凉武昭王六世至司空

孫曰

凉武昭王名嵩字玄感晉安帝時自稱西凉公在位十七年子翻字士舉位車騎將軍祁連酒泉晉昌太守翻子寶字懷素鎮北將軍寶子冲字思順後魏後文時封清淵縣侯卒贈司空冲嵩曾孫也今云六世誤矣○凉一司空之後二世為刺史清淵侯

孫曰冲子延實

作梁者非是

字禧都督青州刺史延實子彬字子儒襲祖由侯至

爵清淵縣侯卒贈齊州刺史子桃枝襲封

于貝州凡六世孫曰桃枝玄孫詔諮議參軍詔子楚金○一作五世

其德行曰

事其兄如事其父其行不敢有出焉

孫曰楚金伯兄惟慎楚金事之

如父在每事必請惟慎曰汝年亦長矣每事必擾我何為楚金曰不請非不能為此也不滿乎人心其請

如初見

其夫人事其姒如事其姑

孫曰姒惟慎之妻鄭也○一作姊非

其於家不敢自專焉其在貝州其刺史不悅於民

一悅

作慈嚴曰李習之皇祖實錄云刺史嚴正晦

將去官民相率謹譁手瓦石

一有胥其出擊之

一本胥作需無其字

刺史匿不敢出州縣吏

由別駕已下不敢禁司法君奮曰是何敢爾屬小吏百餘人持兵杖以出立木而署之曰刺史出民有敢觀者殺之木下民間皆驚相告散去

樊曰實錄貝州刺史嚴正晦黜官百姓舊不樂

其政將俟其出斃之以瓦石錄事參軍謂楚金曰若之何楚金請攝錄事參軍乃如之楚金於是集小吏百餘人皆持兵无兵者皆持朴埋長木道中令曰使君出後百如敢有出觀杖殺大木下及正晦出百姓莫敢動

刺史至加禮擢任貝州由是大理

樊曰後刺史至委政楚金姦吏皆務情告

貝州於是大治

其葬曰翱既遷貝州君之喪于貝州

于貝州一本無貝字

一本無州字

殯于開封遂遷夫人之喪于楚州八月辛亥至



于開封壙于丁巳

補注說文云壙壙穴

墳于九月辛酉窆于丁卯

補注說文窆葬下棺也周禮及窆執斧是也○窆彼驗切

人謂李氏世家也侯之後五

世仕不遂

一無五字○一作仕不遂

蘊必發其起而大乎四十年

而其兄之子衡

孫曰惟慎子五人衡其第二子也貞元七年自常州刺史鎮湖南八年徙鎮江

西召為給事中

始至戶部侍郎君之子四人官又卑翱其孫也

有道而甚文固于是乎在

樊曰甚文字出左傳楚子西曰光又甚文觀朝實錄亦

可見其甚文矣魯直詩云習之實錄纂皇祖斯文如女有正色云云○一本無固字

# 處士盧君墓誌銘

韓曰公前銘盧君夫人此又銘其子於陵

處士

一本有盧君字

諱於陵其先范陽人父貽為河南法曹叅

軍河南尹與人有仇誣仇與賊通收掠取服法曹曰我

官司也我在不可以為是廷爭之以死河南怒命牽捽

之

○祝曰捽擊也捽昨莫切

法曹爭尤彊遂并收法曹竟奏殺仇籍

其家而釋法曹法曹出徑歸臥家念河南勢弗可敗氣

憤弗食歐血卒東都人至今猶道之處士少而孤母夫

人憐之

孫曰貽娶苗氏太師晉卿兄如蘭之女有子二人於陵渾女三人長嫁唐充幼適公

讀書

學文皆不待彊教卒以自立在母夫人側油油翼翼不

忍去時歲母夫人既終

孫曰貞元十九年四月四日苗氏卒年六十九

育幼弟

與歸宗之妹經營勤甚未暇進仕也年三十有六元和

二年五月壬辰以疾卒有男十歲曰義女九歲曰孟有

女生處士卒後未名於其年九月乙酉其弟渾以家有

無葬以車一乘

一作十

於龍門山先人兆愈於處士妹壻

也為其誌且銘其後曰

貴兮富兮如其材得何數兮名兮壽兮如其人豈無有

兮彼皆逢其臧子獨迎其凶茲命也耶茲命也耶

故太學博士李君墓誌

太學博士頌丘李干

一本作于下同

余兄孫壻也年四十八

孫曰

于大歷元年生

長慶三年正月五日卒其月二十六日穿其妻

墓而合葬之在某縣某地子三人皆幼初干以進士

樊曰

元和十年干中進士第年四十

為鄂岳從事

樊曰十一年李道古為鄂岳觀察使辟干為從事

遇方士柳賁

一作沙

從受藥法服之徃徃下血比四年病

益急乃死其法以鉛滿一鼎

孫曰說文鉛青金也一曰錫之類

按中為

空

按字上一有以物二字

實以水銀蓋封四際燒為丹沙云余不

知服食說自何世起殺人不可計而世慕向之益至此

其惑也在文書所記及耳聞傳者

耳聞一作耳相聞

不說今直

取目見親與之游而以藥敗者六七公以為世誠工部

尚書歸登

孫曰登字冲之元和十四年六月為工部尚書

殿中御史李虛中

補注

虛中字

刑部尚書李遜

孫曰遜字友道長慶三年正月拜刑部尚書

遜弟刑

常容

部侍郎建

補注建字杓直

襄陽節度使工部尚書孟簡

孫曰簡字幾道

元和十三年五月為山南

東道節度使加工部尚書

東川節度御史大夫盧坦

孫曰

坦字保衡元和八年五月除  
東川節度使兼御史大夫

金吾將軍李道古此其人

皆有名位世所共識工部既食水銀得病自說若有燒

鐵杖自顛貫其下者摧而為火射竅節以出狂痛號呼

乞絕其裯席得水銀

一作其茵席嘗得水銀

發且止唾血十數年

以斃

孫曰元和十五年六月登卒

殿中疽發其背死

孫曰元和八年六月虛中卒

刑部且死謂余曰我為藥誤

孫曰長慶六年正月遜卒

其季建一旦

無病死

孫曰長慶元年二月建卒

襄陽黜為吉州司馬

孫曰元和十五年三月簡

貶吉州司馬

余自袁州還京師

樊曰是歲九月公自袁召還為國子祭酒

襄陽乘

舸邀我於蕭洲屏人曰我得秘藥不可獨不死今遺子

一器可用棗肉為丸服之別一年而病有家人至

一作有其

家人至訊之曰前所服之藥誤方且下之下則平矣病二

歲竟卒

孫曰長慶三年十二月簡卒

盧大夫死時溺出血肉痛不可

忍乞死及金吾以柳賁得罪食賁藥五十死海上

樊曰道古

因皇甫鑄薦柳賁于憲宗賁治丹劑憲宗服之遽棄萬

國穆宗即位以賁付京兆府決死道古貶循州司馬元

和十年九月亦

此可以為誠者也

辰曰后山詩詰云退之為李干誌敘當世

以藥死貶所

名賁服金石藥欲生而死者數輩著之石藏之地下此

時為一世誠耶而竟藥死故白傅云退之服硫黃一病

竟不痊是也

斬不死乃速得死謂之智可不可也五穀三牲

補注下文云豚魚難是也

鹽醯果蔬人所常御人相厚勉必曰強食

今惑者皆曰五穀令人夭不能無食當務減節鹽醯以濟百味豚魚雞三者古以養老反曰是皆殺人不可食一筵之饌禁忌十常不食二三不信常道而務鬼怪臨死乃悔後之好者又曰彼死者皆不得其道也我則不然始病曰藥動故病病去藥行乃不死矣及且死又悔嗚呼可哀也已可哀也已

補注孔叢夫雜說云張籍哭逃之詩云為出二侍女合彈琵琶



筭白樂天思舊詩云退之服硯黃一病竟不痊退之嘗  
譏人不解文字飲而自敗於女妓乎作李博士墓誌戒  
人服金石藥而自餌硯黃耶又后山嗟哉行亦云  
韓子作誌還自屠白笑未竟人優呼正謂此耳

五百家註昌黎文集卷三十四

謹案卷三十二第五頁前二行注陰為逗橈之計  
刊本橈訛遠據唐書改

第六頁後五行注使日月至既不可得刊本至既  
訛既至係沿舉正之訛據考異改

第七頁前四行注立牙將李芥為留後刊本芥訛  
界據唐書改

第七頁後五行命正我字刊本正訛王據東雅堂  
及天德堂本改

第十四頁前七行以先朝時刊本脫時字據天德堂本及文義增

第二十頁前四行注奏戎為團練副使刊本戎訛  
冕據文義改

卷三十三第五頁前三行注河南尹鄭餘慶刊本  
缺鄭字據唐書補

第十一頁後六行注岑父生載戮戮戮戮戮威刊本  
岑訛巢據唐書改

第十五頁後四行此云贈太子少傅刊本少訛太  
據唐書及誌文改

第十六頁前六行注王丞相夫人於青疎臺中刊  
本脫夫人二字據世說注增

卷三十四第六頁前二行長慶元年刊本元訛二  
據唐書及考異改

第七頁後四行節時其飲食刊本脫時字據文章  
正宗增

第九頁後一行厥聲彌劬注厥聞愈劬刊本劬並訛邵據天德堂本及字書改

第十一頁前七行其葬曰刊本曰訛日由上文既以世為詞故此必以曰作日以曲証其文之不分應也據考異及舉正改

第十一頁後二行侯之後刊本脫後字據天德堂本增



總校官庶吉士

臣侍

朝

校對官庶吉士

臣陳文樞

謄錄舉人

臣呂燕昭

謄錄監生

臣竺昌基

欽定四庫全書薈要

集部

五百家註昌黎文集卷三十

五至八



詳校官助教臣常循

五百家註昌黎文集卷三十五 宋 魏仲舉 編

墓誌銘

盧渾墓誌銘

韓曰渾河南法曹參軍第二子  
而公妻弟也然有銘無誌焉

前汝父母右汝弟兄

一作後有弟兄

汝從之居視汝如生汝遷

於居兮日月之良汝居孔固兮後無有殃如不信兮視

此銘章



號州司戶韓府君墓誌銘

注詳本篇

安定桓王五世孫叡素為桂州刺史

嚴曰新史云弓高侯類當裔孫尋

後漢隴西太守世居潁川生司空稜其後徙安定武安至後魏有常山太守武安侯耆徙居九門生茂尚書令征南大將軍安定桓王二子備均均生腹腹生仁泰仁泰生叡素樊曰唐史世系表及李太白武昌韓君去思碑並云叡素桂州長史皇甫持正誌公墓及神道碑明同而此云刺史其字誤矣

化行南方

有子四人最季曰紳卿文而能官嘗為揚州錄事參軍

集注桂州四子仲卿少卿雲卿紳卿也李太白碑亦言桂州君四子名諱長少皆與此誌合獨世系表云桂州君七子無少卿而有晉卿季卿子卿升卿表以晉卿為長而碑以仲卿為元子表作升卿最季而誌作紳卿誌

又云嘗為揚州錄事參軍而表云京兆府司錄參軍公仲卿之子而紳卿姪也寧有叙其家世而故誤耶當以誌為

事故宰相崔圓

孫曰上元元年二月以崔圓為揚州大都督府長史淮南節度使

圓狎愛州民丁某至顧省其家後大衙會日司錄君趨以前大言曰請舉公過公與小民狎至其家害於政圓驚謝曰錄事言是圓實過乃自署罰五十萬錢由是遷涇陽令破豪家水碾奴箭切利民田頃凡百萬君諱岌桂州君之孫司錄君之子亦以能官名少而奇壯而強老而通以元和元年六月十四日卒年五十七娶京兆田

氏男曰家女曰都皆幼初君樂號之土田山水求掾其  
州去官猶家之既卒因以其年九月某日葬於州北十  
里崔長史墓西銘曰

凡兆于茲唯其家之材蓋歸有時

洪曰疑有闕文

### 四門博士周况妻韓氏墓誌銘

韓曰此誌及張徹誌皆以韓俞為  
開封尉唐宰相表以為令史誤也

四門博士周况妻韓氏諱好好尚書禮部郎中諱雲卿  
之孫開封尉諱俞之女俞妻趙氏生二女

樊曰二女長  
即况妻次嫁

張

三男

樊曰三男無競啓餘州來並世來表

開封卓越豪縱不治資業喜

酒色狗馬趙氏卒十一年而開封亦卒開封從父弟愈

孫曰公父仲卿即雲卿之兄也口一本無弟字

於時為博士乞分教東都生以

收其孥於開封界中教畜之而歸其長女於周氏况

樊曰

元和元年况中進士第是歲公以好好遣况

况進士家世儒者曾祖諱延潭

州長沙令祖諱晦常州參軍父諱良甫左驍衛兵曹參

軍况立名行人士譽之韓氏嫁九年生一男一女年二

十七以疾卒

孫曰貞元六年好好生至是元和十一年卒年二十七

葬長安城南

鳳栖原其從父愈

一作其從父弟愈

於時為中書舍人

孫曰是歲正月

公為中書舍人五月降為右庶子

為銘曰

夫喪少婦子失壯母歸咎無處

### 韓滂墓誌銘

樊曰世系耒老成二子湘大理丞滂實難丞按此誌云滂年十九死蓋耒嘗仕也表復誤與

滂韓氏子其先仕魏號安定桓王

孫曰王名茂滂九世祖也

滂父老

成

孫曰老成公凡介之子

厚謹以文為韓氏良子弟耒仕而死有

二子

祝曰湘滂

滂其季也其祖諱介為人孝友一命率府軍

佐以卒二子百川老成老成為伯父起居舍人後

祝曰舍人

名起居有德行言詞為世軌式

軌一

滂既兄弟二人而

率府長子百川死無嗣其叔祖愈命滂歸後其祖滂清

明遜悌以敏讀書作文

作一作倍

功力兼人為文詞一旦奇

偉驟長不類舊常吾曰爾得無假人耶退大喜謂其兄

湘曰某違翁且踰年懼無以為見今翁言乃然可以為

賀羣輩來見皆曰滂之大進不唯於文詞於為人亦然

既數月

一作日

得疾以卒年十九矣

孫曰滂貞元十八年生

吾與妻

孫曰公妻高平君盧氏

哭之傷心三日而斂既斂七日權葬宜春郭南

里

孫曰宜春東州滂從公量移東州刺史元和十五年卒。一本作郭南一里。

嗚呼其可惜

也已銘曰

天固生之耶

一作天固生耶一作天生之耶

偶自生耶天殺之耶其偶

自死耶莫不歸於死壽何少多銘以送汝其悲奈何

### 女孥壙銘

韓曰公貶潮州孥道死商南層峯驛瘞之山下至是尹京兆乃發其喪歸葬于河陽世墓之次

女孥

音如又女加切

韓愈退之第四女也惠而早死愈之為少

秋官

孫曰元和十二年十一月公為刑部侍郎

言佛夷鬼其法亂治梁武事

之卒有侯景之敗可一掃刮絕去不宜使爛漫天子謂

其言不祥斥之潮州漢南海揭陽之地

孫曰十四年正月公上佛骨表坐貶

潮州其地在漢南海之揭陽

愈既行有司以罪人家不可畱京師迫

遣之女孥年十二在病

一作病在席

既驚痛與其父訣又與

致

又一作父

走道撼頓失食飲節死于商南層峯驛即瘞道

南山下五年愈為京兆

孫曰長慶三年六月公為京兆尹

始令子弟與

其姆易棺衾歸女孥之骨於河南之河陽韓氏墓而葬



之女擊死當元和之十四年二月二日其發而歸在長慶三年十月之四日其葬在十一月之十一日銘曰

汝宗葬于是

孫曰韓氏之先皆葬河陽

汝安歸之惟永寧

河南緱氏主簿唐克妻盧氏墓誌銘

夫人盧氏諱某蘭陵太守景柔八世孫

孫曰景柔為蘭陵太守南州判

史景柔

父貽卒河南法曹法曹娶上黨苗氏太師晉卿

子元幹

兄女

孫曰晉卿兄如蘭之女詳見苗夫人誌

生三女三男夫人最長法曹

卒苗夫人嫁之唐氏充充明經宰相休憬曾姪孫

孫曰長慶

三年七月以休璟同平章事四年八月罷神龍元年四月復相二年三月罷景龍三年十二月復相景雲元年

七月罷出郝氏外王父昂中書舍人夫人年若干嫁唐氏

凡生男與女九人年四十二元和四年正月二十二日卒其年四月十五日葬河南府河南縣之大石山下銘

曰

夫人本宗世族之後率其先猷令德是茂爰歸得家爰一作

作吳婦一作其九子一母婉婉有儀柔靜以和命不侔身茲其

奈何刻銘墓石以告觀者

# 乳母墓銘

樊曰唐志義服有為乳母報者其服  
緦麻韓曰葬乳母且為之銘自公始

乳母李氏徐州人號正真為韓氏家乳其兒愈

為于  
為切愈

生未再周月孤失怙恃

孫曰大歷三年公生五年而公  
父仲卿卒此云未再周月孤失

怙恃未詳嚴曰退之祭嫂鄭夫人云我生不辰三歲而  
孤此言未再周月孤失怙恃是雖入三歲而未及兩周

也李氏憐不忍棄去視保益謹遂老韓氏及見其所乳

兒愈舉進士第

韓曰公第在  
貞元八年

歷佐汴徐軍入朝為御史

國子博士尚書都官員外郎河南令娶婦生二男五女

時節受慶賀愈輒率婦孫列拜進壽年六十四元和六  
年三月十八日病卒三日葬河南縣北十五里愈率婦

孫視窆封

祝曰窆下棺也  
○窆彼陰切

且刻其語于石

語一作誌

納諸墓

為銘

一有  
矣字

五百家註昌黎文集卷三十五

五百家註昌黎文集卷三十六 宋 魏仲舉 編

雜文

瘞破硯文

樊曰李元賓硯公為之文公與元賓皆貞元八年進士也

隴西李觀元賓始從進士貢在京師或貽之硯既四年  
悲歡窮泰未嘗廢其用凡與之試藝春官實二年登上

第行於褒谷間

孫曰褒  
地名

役者劉允誤墜之地毀焉乃匣

歸埋于京師里中昌黎韓愈其友人也贊且識云

識音志○

一作贊而

且識云

土乎質陶乎成器復其質非生死類全斯用

補注全謂其未破時

毀不忍棄埋而識之仁之義硯乎硯乎與瓦礫異

### 毛穎傳

洪曰逆之毛穎傳柳子厚以為怪予以為子虛烏有之此其流出于莊周寓言舊史云愈作毛穎傳譏戲不近人情此文章之甚紕繆者天下有識者固少而舊史所見如此可發一笑樊曰李肇國史補謂公此傳其文尤高不下遷史故蘇亦謂此傳似太史公筆

毛穎者中山人也

孫曰中山國名今定州

其先明眎

韓口禮記兔曰明眎

佐

禹治東方土養萬物有功因封於卯地

孫曰卯於十

死

為十二神

孫曰十二神謂子丑寅卯之類

嘗曰吾子孫神明之後不可

與物同當吐而生

嚴曰博物志云兔望月而孕自吐其子故謂之兔兔吐也

已而果

然明眎八世孫翬

補注論衡曰兔翬毫而孕及其生子從口而出名曰嬖○嬖芳万切郭云

俗呼曰翬翬乃侯切又廣雅云翬兔子

世傳當殷時居中山得神仙之術

能匿光使物竊姁娥

嚴曰淮南子云羿請不死之藥于西王母姁娥竊而奔月姁娥羿妻

也騎蟾蜍入月其後代遂隱不仕云

一作或云

居東郭者



號東郭

曰魏

音遼又音俊

狡而善走與韓盧爭能盧不及盧怒

與宋從謀而殺之

祝曰戰國策曰韓之盧者天下之疾犬也東郭魏者海內之狡兔也盧逐魏環山者

三騰山者五兔極于前犬廢於後。從音鵲宋之良犬

醢其家秦始皇時蒙將軍恬

嚴曰恬秦時製筆者

南伐楚次中山將大獵以懼楚召左庶長

孫曰秦爵

商鞅所制十曰左庶長十一曰右庶長。一本作左右庶長

與軍尉

祝曰軍尉軍中尉史

以連山

筮之

韓曰周禮三易之法莫曰連山

得天與人丈之兆筮者賀曰今日

之獲不角不牙衣褐之徒缺口而長鬚八竅而趺居

祝曰

伏似虎趺晉陽泉泰賦

獨取其髦

張曰髦長龍也

簡牘是資天下

其同書秦其遂兼諸侯乎遂獵圍毛氏之族拔其毫載

穎而歸獻俘於章臺宮

補注征伐所獲者為俘章臺秦宮名

聚其族而加

束縛焉秦皇帝使恬賜之湯沐而封諸管城

孫曰管城地名在今

鄭州號管城子曰見親寵任事穎為人強記而便敏自結

繩之代以及秦事無不纂錄陰陽卜筮占相醫方族氏

山經地志字書圖畫九流

孫曰九流謂儒道陰陽法墨縱橫雜農九家者流

百

家天人之書及至浮屠老子外國之說皆所詳悉又通

於當代之務官府簿書市井貨錢注記惟上所使自秦

皇帝及太子扶蘇胡亥丞相李斯中車府令高

孫曰趙高為中

車府令

下及國人無不愛重又善隨人意正直邪曲巧拙

一隨其人雖後見廢棄終默不洩惟不喜武士然見請亦

時往累拜中書令與上益狎上嘗呼為中書君上親決

事以衡石自程

孫曰秦始皇紀天下之事無大小皆決於上上至以衡石量書日夜有程不中

程不得休息石百二十斤也

雖宮人不得立左右獨穎與執燭者常

侍上休乃罷穎與絳人陳玄弘農陶泓及會稽褚先生

友善

補注洪駒父云韓文公傳毛穎以文滑稽然與穎遊者褚先生陳玄陶泓功不在穎下文公不為立

傳乃為  
補亡云

相推致其出處必偕上召穎三人者不待詔輒

俱往未嘗怪焉後因進見上將有任使拂拭之因免

冠謝上見其髮禿又所暮畫

一作  
暮畫

不能稱上意上嘻笑

曰

嘻一  
作喜

中書君老而禿不任吾用吾嘗謂君中書而今

不中書耶對曰臣所謂盡心者因不復召歸封邑終於

管城其子孫甚多散處中國夷狄皆冒管城惟居中山

者能繼父祖業

太史公曰毛氏有兩族其一姬姓文王之子封於毛所

謂魯衛毛聃者也

孫曰僖二十四年左氏留展之言

戰國時有毛公毛

遂

樊曰遂趙人平原君之客

獨中山之族不知其本所出子孫最為

蕃昌春秋之成見絕於孔子而非其罪

孫曰杜預左傳序云春秋絕筆

於獲麟之一句

及蒙將軍拔中山之毫始皇封之管城世遂有

名而姬姓之毛無聞穎始以俘見

一有與字

卒見任使

一作始以

俘見幸仕使

秦之滅諸侯穎與有功賞不誨勞以老見踈秦

真少恩哉

子厚有讀毛穎傳後題見柳集二十一卷此不復載

下邳侯革華傳

祝曰下邳縣名史記韓耕于下邳在漢屬東海郡舊本無草華傳歐陽公始錄之樊曰按今諸本毛穎草華二傳聯載然毛穎傳見於李漢序子厚集李肇因史補及舊文公傳獨草華傳無聞大抵步驟毛穎傳而為之其不及遠甚趙璘因話錄曰才命論稱張燕公草華傳稱韓文公老牛歌稱白樂天佛骨詩稱鄭司徒皆後人所誣故其辭多鄙淺則草華傳非公之作矣補注陳長方云下邳侯草華傳是後人擬作退之傳毛穎以文滑稽耳正如伶人作戲初出一譚語滿場皆笑此語豈再出耶又宋景文筆錄云退之送窮文進學解毛穎傳原道等諸篇皆古人意思未到不載下邳草華傳足判其謬矣○邳貧悲切

下邳侯草華者其先隴西人也

孫曰隴西水田隴之義

三十六代

祖守健為

祝曰健為郡名史記以壯健為○健居虔切

黃帝時以力見召拜

大司農以其闢土有功又知稼穡艱難遷輕車都尉子

孫相繼至周武王時徙居桃林

孫曰畜放牛於桃林之野

冠冕遂絕

其後人思其濟世之才因復其位而加任使焉

一無而加二字

華父犇

祝曰說文云犇牛患聲一曰牛名○犇亦牛切

生五年襲先祖爵祿仕

至上輕車都尉華母世居長樂有乳哺之恩越王勾踐

時嘗侍宴姑蘇臺

嚴曰臺在蘇州越絕書云吳王夫差起姑蘇之臺三年乃成高見三百里

此所言長樂姑蘇但取酥酪之義皆牛乳所成者

詩所謂有覺德行者也犇因

引重

一作引  
經車使

至太行山力不任事遂死於輶轅之下

輶胡

賈切主上嗟悼命太宰申屠公執刀而解之

一本而作以  
一本無之字

其夫派分離散在他處華長子也上念其父劬勞而死

於王事封華為下邳侯詔將作大匠治之華為性堅勁

屈強

屈渠勿切  
強居亮切

難以直禦匠以其膏潤之然後去其豪

族而加裁割焉會太原人金十奴與新鄭人斛斯生相

逢薦華於五木大夫是後稍稍得成其名

一無  
其字

上嘉之

遂釋褐賜墨綬焉

一無  
焉字

華嘗曰吾辛勤久今方成名得



處上左右足矣

一本處字下有在字

及獻之果然華為人善履道

一作

別威儀進退趨蹌一隨人意上將駕出遊畋獵馳

騁擊毬射御及交賓接賢禮神祭祀未嘗不召華俱往

伏事上久之因病或開口論議洩露密旨

密一作上

上繇是

疎之詔將作大匠治之又命其友金十奴等

一本有令字恐非上

既有命字此不當復有令字

補過之尋獻於上上雖納之然亦不甚

見重有泥塗賤處方召使之餘並不得與焉頃之上見

其顏色顚顚

一無其字

衰憊失度上咨嗟曰

一無咨嗟二字

下邳侯

老而憊不任吾事今棄子

一有於市朝三字

不復召子矣遂棄

而終

棄字下一有之字

華無子

子一作息

其繼者族人焉

太史公曰華之先皮姓軒轅時蒼頡觀鳥跡制文字以

其始於皮而聲於革故從革焉初革自胡而來為趙武

靈王見重後子孫盛於中國漢書功臣表有黃櫨侯革

朱者

孫曰漢書作革朱今本多作革末非

即其後也

一本云從始於皮而聲於革故從革革焉

漢書功臣表有黃櫨侯革末即其後也初本自胡服而

來趙武靈王重之由是子孫方盛於中國耳○一本云

革氏之先出於皮姓軒轅胡服而來方

熾於中國漢書有黃櫨革末即其後也

# 送窮文

洪曰予嘗見文宗備問云顓頊高辛時宮中生一子不著完衣宮中號為窮子其後正月晦死宮人葬之相謂曰今日送却窮子自爾相承送之又唐四時寶鑑云高陽氏子好衣弊食糜正月晦巷死世作糜棄破衣是日祝於巷曰除貧也小宋云退之送窮文進學解毛穎傳等諸篇皆古人意思未到可以名家矣然送窮文與楊子雲逐貧賦大率相類蓋古人作文皆有所祖述如司馬相如大人賦全用屈原遠遊中語杜云遙相祖述後先誰長卿子美宣利竊前人者耶補注張文潛曰公送窮文蓋出子雲逐貧賦然文彩過逐貧矣大槩擬前人文章如子雲解嘲擬宋玉答客難退之進學解擬子雲解嘲柳子厚晉問

擬枚乘七發皆文章之英也晁无咎取公此文於續楚詞系之曰愈以屢窮不遭時若有物焉為之故託於鬼譎彼窮我者車舡飲食謝而遠之而窮不可去也則燒車與舡延之上坐亦卒歸於正之義焉

元和六年正月乙丑晦主人使奴星

孫曰星者公之奴名曰一本作星星

結柳作車縛草為船載糗與粢

祝曰糗熬米爾雅云麥也周禮糗餌粉養振饗也

糗去久丘救二切穀之良切

牛繫軛下引帆上檣

孫曰軛車轆之前上掛檣帆柱選萬

里連檣牛繫軛下言車引帆上檣言舡也○軛乙革切檣音牆

三揖窮鬼而告之曰聞

子行有日矣鄙人不敢問所塗躬具船與車備載糗粢

日吉時良利行四方子飯一孟子啜一觴攜朋挈儔去

故就新駕塵曠風

韓曰曠張弓也。音霍又廓郭二音。

與電爭先

一作光

子無底滯之尤

底止也

我有資送之恩子等有意於行乎

屏息潛聽

孫曰論語屏氣似不息者屏藏也

如聞音聲若嘯若啼若歔

嚶嚶

若吁號切歔呼骨切

毛髮盡豎竦肩縮頸疑有而無久乃可

明若有言者曰吾與子居四十年餘

一作餘年

子在孩提吾

不予愚子學子耕求官與名惟子是從不變于初門神

戶靈我叱我呵苞羞詭隨志不在他子遷南荒

孫曰謂謫陽山

令時熱爍濕蒸我非其鄉百鬼欺凌太學四年孫曰謂為太學博士

時朝糞暮鹽惟我保汝人皆汝嫌自初及終未始背汝

心無異謀口絕行語孫曰言我初無欲行之語於何聽聞云我當去

是必夫子信讒有間於予也我鬼非人安用船車鼻嗅

臭香糗粢可捐單獨一身誰為朋儔子苟備知可數已

不甫鳩切予能盡言可謂聖智情狀既露敢不迴避迴一作曲

主人應之曰子以吾為真不知也耶子之朋儔一作朋非

三非四在十去五滿七除二各有主張私立名字挨手

覆羹

張曰撥拗撥也  
○撥力結切

轉喉觸諱凡所以使吾面目可憎

語言無味者皆子之志也其一名曰智窮

一作其名  
曰云云

矯

矯亢亢

祝曰矯亢剛直  
貌○亢口浪切

惡圓喜方羞為姦欺不忍害傷

補注已上為智  
窮下四窮倣此

其次名曰學窮

一無  
名字

傲數與名摘抉杳

微

祝曰摘發也抉出也  
摘它歷切抉於決切

高挹羣言執神之機

祝曰神  
鬼神○

挹於  
立切

又其次曰文窮不專一能怪怪奇奇不可時施

孫曰

謂不可  
施於時

祇以自嬉又其次曰命窮影與形殊面醜心妍

利居衆後責在人先又其次曰交窮磨肌戛骨吐出心

肝企足以待寘我讎寬凡此五鬼為吾五患飢我寒我

興訛造訕能使我迷人莫能間

孫曰間猶說也

朝悔其行暮已

復然蠅營狗苟

孫曰營蠅聲詩營營青蠅

驅去復還

洪曰魏王思性急嘗執筆作書

蠅集筆端驅去復來思怒逐蠅不得還乃取筆擲地

言未畢五鬼相與張眼吐舌

跳踉偃仆

張曰跳踉跳躍也跳音條踉音良

抵掌頰脚失笑相顧徐謂

主人曰子知我名凡我所為驅我令去

我一作使

小黠大癡

補注筆墨間錄曰予讀抱樸子云小黠大愚駒父曰非也小黠大癡三國志自有全文

人生一世

其久幾何吾立子名百世不磨小人君子其心不同惟



乖於時乃與天通攜持琬琰

孫曰周禮琬圭以治德琰圭以易行考工記琬圭琰圭皆

長九寸

易一羊皮飫於肥甘

飫厭也

慕彼糠麩天下知子誰

過於予雖遭斥逐不忍子疎謂予不信

予一作言

請質詩書

主人於是垂頭喪氣上手稱謝

祝曰上手舉手也

燒車與船延

之上座

樊曰公此篇終云延之上座於是段成式作留窮詞近世唐子西作留窮詩二者皆祖公之意

而為之然成式後

又作送窮辭焉

# 鯉魚丈

補注朱居靖公秀水閒居錄云鯉魚之狀龍吻虎爪蟹目鼉鱗尾長數尺末大如箕芒刺

成鈞仍有膠粘多於水濱潛伏人畜近以尾  
擊取蓋猶蛟之任鼻也樊曰新舊傳皆載公  
此文初公至潮問民疾苦皆曰惡谿有鯪魚  
食民產且盡數日公令其屬蔡濟以一羊一  
豚投谿水而祝之其夕有暴風震雷起湫水  
中數日水盡涸西徙六十里自是潮州無鯪  
魚忠潮州廟記所謂能馴鯪魚之暴者此也  
歐陽文忠作陳文惠公神道碑書公通判潮  
州惡谿鯪魚不可近公命捕得鳴鼓于市告  
以文而戮之其患并息潮人歎曰昔韓公諭  
鯪而聽今公戮鯪而懼所為雖異其使異物  
醜類革化而利人一也吾潮間三百年而得  
二公幸矣古之為政有虎渡河者埴不  
入境者蓋其措神所感若此類也耶

維元和十四年四月二十四日潮州刺史韓愈使軍事

衙推秦濟以羊一猪一投惡谿之渾水

谿四惡谿谿名在潮州城西蓋龍谿也

以與鱣魚食而告之曰昔先王既有天下列山澤

孫曰孟子

舜使益掌火益烈山澤而焚之烈乾也今作

列又一本作週週遮也週音旅際切非是

網繩獨刃

祝曰獨謂以叉刺泥中搏取之也莊子冬則獨籠於

江是也○獨初朔切一本作獨獨木名時獨切非是以

除蟲蛇惡物為民害者驅而出之四海之外及後王德

薄不能遠有則江漢之間尚皆棄之以與蠻夷楚越况

嶺海之間

嶺海一作海嶺

去京師萬里哉鱣魚之涵淹卵育於

此亦固其所今天子嗣唐位神聖慈武

一作文

四海之外

六合之內皆撫而有之況禹跡所揜揚州之近地

孫曰潮州

於古為揚州之境

刺史縣令之所治出貢賦以供天地宗廟百

神之祀之壤者哉鱷魚其不可與刺史雜處此土也刺

史受天子命

一作令

守此土治此民而鱷魚睥然不安谿

潭

祝曰睥目出貌左氏睥其目是也○睥戶板切○一無不字潭下有而字

據食民畜

據字下一

本有處字熊豕麋以肥其身以種其子孫與刺史亢拒爭

為長雄刺史雖駕弱亦安肯為鱷魚低首下中

洪曰舊本作下

中中身也記曰文子其中退然本本作下心又有哉字

佺佺覲覲

佺恐懼貌覲小目貌○佺悉枕

切覲下  
顯切

為民吏蓋以偷活於此耶且承天子命以來為

吏固其勢不得不與鱷魚辯鱷魚有知其聽刺史言潮

之州大海在其南鯨鵬之大蝦蟹之細無不容歸以生

以食鱷魚朝發而夕至也今與鱷魚約盡三日其率醜

類祝曰醜  
亦類也南徙于海以避天子之命吏三日不能至五

日五日不能至七日七日不能是終不肯徙也是不有

刺史聽從其言也不然則是鱷魚冥頑不靈冥暗也刺史

雖有言不聞不知也夫傲天子之命吏不聽其言不徙

以避之與冥頑不靈

一本與下有其字  
靈下又有而字

為民物害者皆

可殺刺史則選材技吏民操強弓毒矢以與鱷魚從事  
必盡殺乃止其無悔

五百家註昌黎文集卷三十六

五百家註昌黎文集卷三十七 宋 魏仲舉 編

狀

故金紫光祿大夫檢校尚書左僕射同中書門  
下平章事兼汴州刺史充宣武軍節度副大使  
知節度事管內支度營田汴宋亳潁等州觀察  
處置等使上柱國隴西郡開國公贈太傅董公  
行狀



曾祖仁琬皇任梁州博士

祖大禮皇贈左散騎常侍

父伯良皇任開州新浦縣主簿皇贈尚書左

僕射

韓曰公嘗從晉於汴州為觀察推官故知晉  
行治甚詳唐史晉傳皆取公行狀為之其增  
修者不一二爾樊曰司馬溫公考異以為公  
作晉行狀必揚美蓋惡叙其為相時事止於  
此則其循默充位可知然其重謹亦可稱也  
補注談藪云董晉行狀書李懷光事大似左  
氏

公諱晉字混成河中虞鄉萬歲里人少以明經上第宣

皇帝居原州

孫曰至德元載十月肅宗幸原州○宣一作先

公在原州宰相以

善為文任翰林之選既以聞召見拜秘書省校書郎

孫曰

晉上書行在拜校書郎

入翰林為學士

樊曰翰林待制

三年出入左右天

子以為謹愿賜緋魚袋累升為衛尉寺丞出翰林以疾辭拜汾州司馬崔圓為揚州詔以公為圓節度判官攝

殿中侍御史

孫曰正元二年二月以前汾州刺史崔圓為淮南節度使奏晉以本官攝御史充判

官以軍事如京師朝天子識之拜殿中侍御史內供奉

孫曰尋歸由殿中為侍御史入尚書省為主客員外郎

由主客為祠部郎中先皇帝時兵部侍郎李涵如迴紇

祝曰回紇古匈奴立可敦詔公兼侍御史賜紫金魚袋

號○紇下沒切

為涵判官

孫曰大歷四年五月以僕固懷恩女為崇徽公主下嫁回紇可汗今兵部侍郎李涵往冊

命奏晉為判官迴紇之人來曰唐之復土疆假迴紇力馬

假一作取

約我為市馬馬既入而歸我賄不足我於使人卒取之

卒一作乎涵懼不敢對視公公為之言曰我之復土疆爾信

有力焉吾非無馬而與爾為市而字為爾賜不既多乎

爾之馬歲五至

一無五字

吾數皮而歸資

數上聲。一無吾字

邊吏請

致詰也天子念爾有勞故下詔禁侵犯諸戎畏我大國

之爾與也莫敢校馬爾之父子寧而畜馬蕃者非我誰

使之於是其衆皆環公拜既又相率南面序拜皆舉兩

手曰不敢有意大國自迴紇歸拜司勳郎中未嘗言迴

紇之事遷秘書少監歷太府太常二寺亞卿

補注謂為太府太常

少卿也為左金吾衛將軍今上即位

孫曰大歷十四年五月德宗即位

以

大行皇帝山陵出財賦拜太府卿由太府為左散騎常

侍兼御史中丞知臺事三司使選擢才俊有威風始公為

金吾未盡一月拜太府九日又為中丞朝夕入議事於是

宰相請以公為華州刺史拜華州刺史潼關防禦鎮國

軍使朱泚之亂加兼御史大夫

孫曰建中四年以晉代孫宿為華州刺史又兼

御史中丞潼關防禦鎮國軍父之

詔至於上所又拜國

加兼御史大夫○一本無兼字

子祭酒

孫曰是歲十月朱泚反使凶黨仇敬何望之浸逼華州晉棄州走行在改國子祭酒

兼御

史大夫宣慰恒州

孫曰十二月以晉為國子祭酒河北宣慰使

於是朱滔自

范陽以回紇之師助亂人心大恐公既至恒州恒州即

日奉詔出兵與滔戰大破走之還至河中李懷光反上

如梁州

孫曰興元元年三月李懷光反車駕幸梁州

懷光所率皆朔方兵公

知其謀與朱泚合也患之造懷光言曰公之功天下無以與敵公之過未有聞於人甚至上所言公之情上寬明將無不赦宥焉乃能為朱泚臣乎彼為臣而背其君苟得志於公何有且公既為太尉矣彼雖寵公何以加此彼不能事君能以臣事公乎公能事彼而有不能事君乎彼知天下之怒朝夕戮死者也故求其同罪而與

之比

故一字無

公何所利焉公之敵彼有餘力不如明告之

絕而起兵襲取之清宮而迎天子庶人服而請罪有司

一作於有司

雖有大過猶將擒焉如公則誰敢議語已懷光

拜曰天賜公活懷光之命喜且泣公亦泣則又語於其

將卒如語懷光者將卒呼曰天賜公活吾三軍之命拜

且泣公亦泣故懷光卒不與朱泚當是時懷光幾不反

公氣仁語若不能出口及當事乃更踈亮捷給其詞忠

其容貌溫然故有言於人無不信之明年上復京師

孫曰

五月戊戌  
收京師

拜左金吾衛大將軍由大金吾為尚書左丞

孫曰正元二年七月  
以晉為尚書左丞

又為太常卿

孫曰時尚書右丞元琇判度支使為韓滉

所擠貶黜晉罪況之黨見宰相極  
言非罪舉朝稱之復拜太常卿

由太常拜門下侍郎

平章事

孫曰五年正月以晉為門下侍郎平章事

在宰相位凡五年所奏於

上前者皆二帝三王之道由秦漢已降未嘗言退歸未

嘗言所言於上者於人子弟有私問者公曰宰相所職

繫天下天下安危宰相之能與否可見欲知宰相之能

與否如此視之其可凡所謀議於上前者不足道也故



其事卒不聞

樊曰時政事決在實叅晉但奉詔書唯諾而已八年叅以其弟給事中申為吏部侍郎

諷晉以聞帝正色曰無乃叅迫卿為之耶晉不敢隱

因問叅以過失晉具奏之旬日叅貶官晉皇恐上疏固

辭以疾病辭於上前者不已一作記退以表辭者八方許

之拜禮部尚書

樊曰九年五月罷相改禮部尚書

制曰事上盡大臣之

節又曰一心奉公於是天下知公之有言於上也初公

為宰相時五月朔會朝天子在位公卿百執事在庭侍

中贊百寮賀中書侍郎平章事實叅攝中書令當傳詔

辭疾作不能事凡將大朝會當事者既受命皆先日習

儀於時未有詔公卿相顧公逡巡進北面言曰攝中書令臣某病不能事臣請代某事於是南面宣致詔詞事

已復位進退甚詳為禮部四年拜兵部尚書

樊曰十二年以晉守

兵部尚書充東都留守判東都尚書省東都畿汝州防禦使

入謝上語移時晏復有

入謝者上喜曰董某疾且損矣出語人曰董公且復相

既二日拜東都留守判東都尚書省事充東都畿汝都

防禦使兼御史大夫仍為兵部尚書由留守未盡五月

拜檢校尚書左僕射同中書門下平章事汴州刺史宣

武軍節度副大使知節度事管内支度營田汴宋毫潁

等州觀察處置等使

樊曰七月以晉鎮汴州

汴自大歷來多兵事

劉玄佐益其師至十萬玄佐死子士寧代之

孫曰正元八年三月

宣武帥劉玄佐卒其壻及親兵擁玄佐子士寧為留後劫監軍使孟介以請於朝庚午以士寧為宣武軍節度

使

畋遊無度

一本無畋遊二字度作幾

其將李萬榮乘其畋也逐之

孫曰九年十二月士寧率眾二萬畋於近郊都知兵馬使李萬榮晨入使府分兵閉城不納士寧以五百騎逃歸京師壬戌以萬榮為留後

萬榮為節度使一年其將韓惟清張彥

林作亂求殺萬榮不剋

孫曰十年四月宣武軍亂萬榮討平之先是宣武親兵三百人

素驕慢萬榮遣詣京西防秋親兵怨之大將韓惟清張  
彥林誘親兵作亂攻萬榮萬榮擊破之親兵掠而潰萬  
榮悉誅亂者妻子數千人十一年五月詔以萬榮為節度使  
三年萬榮病風昏不知

事其子廼復欲為士寧之故監軍使俱文珍與其將鄧

惟恭執之歸京師

孫曰十二年六月萬榮病風昏不知事其子廼自為兵馬使殺諸將伊妻

說張丕等都虞候鄧惟恭與監軍俱文珍執廼送京師

而萬榮死

孫曰七月以晉鎮汴州以萬榮

為太子少保貶廼虔州司馬而申萬榮卒

詔未至惟恭權軍事公既受命遂

行劉宗經韋弘景韓愈實從不以兵衛及鄭州逆者不  
至鄭州人為公懼或勸公止以待有自汴州出者言於

公曰不可入公不對遂行宿圃田明日食中牟逆者至

宿八角明日惟恭與諸將至遂逆以入及鄆三軍緣道謹

聲庶人壯者呼老者泣婦人啼遂入以居

樊曰惟恭既執迺遂權軍

事自謂當代萬榮不遣人迎晉晉既受詔即與僂從十

餘人赴鎮不用兵衛至圃田惟恭以晉來之速不及謀

晉去城十餘里惟恭乃率諸將出迎

初玄佐死吳湊代之及鞏聞亂歸

樊曰

初玄佐死以陝號觀察使吳湊代之行至汜水而還

士寧萬榮皆自為而後命軍

士將以為常故惟恭亦有志以公之速也不及謀遂出

逆既而私其人觀公之所為以告曰公無為惟恭喜知

公之無害已也委心焉進見公者退皆曰公仁人也聞公

言者皆曰公仁人也環以相告故大和

孫曰惟恭之逆晉命惟恭勿下馬

氣色甚和惟恭差自安初一無既入仍委惟恭以兵政初字

玄佐遇軍士厚士寧懼一

有

不復加厚焉至萬榮如士寧志及韓張亂又加厚以懷之

至于惟恭每加厚焉故士寧卒驕不能禦則置腹心之士

幕於公庭廡下挾弓執劍以須日出而入前者去日入而

出後者至寒暑時至則加勞賜酒肉公至之明日皆罷之

孫曰初玄佐增汴州兵至十萬過之厚萬榮惟恭每加厚焉嘗介勇士伏幕下早暮番休晉一罷之

貞元十

二年七月也八月上命汝州刺史陸長源為御史大夫行

軍司馬楊凝自左司郎中為檢校吏部郎中觀察判官杜

倫自前殿中侍御史為檢校工部員外郎節度判官孟叔

度自殿中侍御史為檢校金部員外郎支度管田判官

孫曰

朝廷以晉仁柔多可恐不能集事八月以汝州刺史陸長源為晉行軍司馬晉謙恭簡儉每事因循故亂兵粗安長源性剛刻多更張舊事晉初皆許之案成則命且罷以財賦委叔度叔度為人佻悅軍中惡之職事修

一作

既人民化

一作俗人變化

嘉禾生白鵲集蒼烏來巢

鳥一作鳥

嘉瓜同

蒂聯實四方至者歸以告其帥小大威懷有所疑輒使來

問有交惡者公與平之累請朝不許及有疾又請之且曰  
人心易動軍旅多虞及臣之生計不先定至于他日事或  
難期猶不許十五年二月三日薨于位上三日罷朝贈太  
傅使吏部員外郎楊於陵來祭弔其子贈布帛米有加公  
之將薨也命其子三日斂既斂而行於行之四日汴州亂  
孫曰乙酉以長源為宣武軍節度使是日兵亂殺長源叔度丘穎等故君子以公為知人公之  
薨也汴州人歌之曰濁流洋洋有闢其邪聞道謹呼公來  
之初今公之歸公在喪車又歌曰公既來止東人以完今



公歿矣其誰與安

其一始為人作

始為華州亦有惠愛人思之公居

處恭無妄媵不飲酒不諂笑好惡無所偏與人交泊如也

未嘗言兵有問者曰吾志於教化享年七十六階累升為

金紫光祿大夫勲累升為上柱國爵累升為隴西郡開國

公娶南陽張氏夫人後娶京兆韋氏夫人皆先公終四子

全道全浚全素全澥全道全素皆上所賜名全道為秘書

省著作郎全浚為秘書省秘書郎全素為大理評事

一無為大理評

事五全澥為太常寺太祝

洪曰按董府君墓誌云公諱漢字惟深隴西公第二子則浚當作漢

又云其季弟澥問名於太史氏韓愈並無全字此云全  
道全素皆上所賜名則全溪全澥誤矣補注按溪誌全  
溪全澥之名上作溪澥豈全溪後名溪而全澥後去全  
名澥耶樊曰按宰相世系表全道殿中少監溪商州刺  
史全素太子中舍人澥太常寺太祝其名當從溪墓誌及世系表

皆善士有學行謹具

歷官行事狀伏請牒考功

一作無伏字

并牒太常議所謚牒史

館請垂編錄謹狀

一作狀上

貞元十五年五月十八日故吏前汴宋亳潁等州觀

察推官將仕郎試秘書省校書郎韓愈狀

與汝州盧郎中論薦侯喜狀

韓曰盧郎中名虔時為汝州刺史名氏見于侯喜所作汝州復黃坡記公既已薦喜於盧汝州十八年陸儔佐主司權德輿又薦於陸儔後一年喜登第誠可謂知己矣

進士侯喜

一本有者字無下句右字

右其人為文甚古

孫曰喜之文章學西漢而

為也立志甚堅行止取捨有士君子之操家貧親老無援

於朝在舉場十餘年竟無遇愈常慕其才而恨其屈與

之還往歲月已多嘗欲薦之於有司

有一作主

言之於上位

名卑官賤其路無由觀其所為文未嘗不掩卷而歎去

年愈從調選

樊曰此謂正元十六年去徐來洛求官京師

本欲攜持同行適

遇其人自有家難逃遭坎軻又廢一年及春末自京還

怪其久絕無消息五月初至此

樊曰此謂十七年自京還洛五月初與喜相會

也於洛

自言為閣下所知辭氣激揚面有矜色曰侯喜死

不恨矣喜辭親入關羈旅道路見王公大人數百

大一作貴

未嘗有如盧公之知我也此者分將委棄泥塗老死草

野今胷中之氣勃勃然復有仕進之路矣愈感其言賀

之以酒謂之曰盧公天下之賢刺史也未聞有所推引

蓋難其人而重其事今子鬱為選首其言死不恨固宜

也古所謂知己者正如此耳身在貧賤為天下所不知

獨見遇於大賢乃可貴耳若自有名聲又託形勢此乃

為市道之事又何足貴乎子之遇知於盧公真所謂知

己者也士之修身立節而竟不遇知己前古以來不可

勝數或日接膝而不相知或異世而相慕以其遭逢之

難故曰士為知己者死

孫曰司馬遷答任安書士為知己者死女為悅己者容

不

其然乎不其然乎

一本止有一句

閣下既已知侯生而愈復以

侯生言於閣下者非為侯生謀也感知己之難遇大閣

下之德而憐侯生之心故因其行而獻於左右焉謹狀

論今年權停舉選狀

樊曰按登科記貞元二十年辛停舉是公雖有此疏而上不從也

右臣伏見今月十日敕今年諸色舉選宜權停者

樊曰舊史

德宗紀正元十九年自正月至五月不雨七月敕以闕輔饑罷二十年吏部選禮部貢舉孫曰宰臣杜佑所請

也道路相傳皆云以歲之旱陛下憐憫京師之人慮其

乏食故權停舉選以絕其來者所以省費而足食也臣

伏思之竊以謂十口之家

謂一作爲

益之以一二人於食未有

所費今京師之人不啻百萬都計舉者不過五七千人  
并其僮僕畜馬不當京師百萬分之一以十口之家計之  
誠未為有所損益又今年雖旱去歲大豐商賈之家必  
有儲蓄舉選者皆齎持資用以有易無未見其弊今若  
暫停舉選或恐所害實深一則遠近驚惶二則人士失  
業臣聞古之求雨之詞曰人失職歟樊曰春秋成五年公羊傳曰大雩者  
何旱祭也何休注云君親之南郊以六事謝過自責曰  
政不一與民失職與云云公語蓋出此其以民為人則  
避太宗諱也然則人之失職足以致旱今緣旱而停舉選是

使人失職而召災也臣又聞君者陽也臣者陰也獨陽  
為旱獨陰為水今者陛下聖明在上雖堯舜無以加之  
而羣臣之賢不及於古又不能盡心於國與陛下同心  
助陛下為理有君無臣是以久旱以臣之愚以為宜求  
純信之士骨鯁之臣憂國如家忘身奉上者超其爵位  
置在左右如殷高宗之用傅說周文王之舉太公齊桓  
公之拔甯戚漢武帝之取公孫弘清閑之餘時賜召問  
必能輔宣主化銷殄旱災臣雖非朝官

樊曰公時為四  
門博士未為御



史故云

月受俸錢歲受祿粟苟有所知不敢不言謹詣光  
順門奉狀以聞伏聽聖旨

御史臺上論天旱人饑狀

孫曰正元十七年正月下雨至於  
秋七月是年冬公為御史上此疏

右臣伏以今年已來京畿諸縣夏逢亢旱秋又早霜田  
種所收十不存一陛下恩踰慈母仁過春陽租賦之間  
例皆蠲免所徵至少所放至多上恩雖弘下困猶甚至  
聞有棄子逐妻

至聞一作其間

以求口食拆屋伐樹

屋一作室以納

稅錢寒餒道塗

餒一作餓

斃踣溝壑有者皆已輸納無者徒

被追徵臣愚以為此皆羣臣之所未言陛下之所未知

者也臣竊見陛下憐念黎元同於赤子或犯法當戮猶

且寬而宥之況此無辜之人豈有知而不救又京師者

四方之腹心國家之根本其百姓

百一作有

實宜倍加憂恤

今瑞雪頻降來年必豐急之則得少而人傷緩之則事

存而利遠伏乞特敕京兆府應今年稅錢及草粟等在百

姓腹內

一本腹作復非是洪曰唐史德宗十四年詔諸州府應貞元八年至十一年兩稅及推酒錢在

百姓腹內  
者並除放

徵未得者並且停徵容至來年蠶麥庶得少

有存立臣至陋至愚無所知識受恩思效有見輒言無

任懇款慙懼之至謹錄奏聞謹奏

韓曰公既上此疏專  
政者惡之十二月奏

貶連州陽山縣令  
神道碑具載此事

# 請復國子監生徒狀

韓曰貞元十九年公為

四門館博士時奏請

## 國子監應三館學生等

祝曰三館者國子館太學館  
四門館○一本生作士字

### 准

## 六典

孫曰唐六典三十卷開元十年起居舍人陸堅被  
詔撰玄宗手寫六條曰理典教典禮典政典刑典

事典至二十  
六年書成

國子館學生三百人皆取文武三品以上

及國公子孫從三品以上曾孫補充太學館學生五百  
人皆取五品以上及郡縣公子孫從三品以上曾孫補  
充四門館學生五百人皆取七品以上及侯伯子男子  
補充 右國家典章崇重庠序近日趨競未復本源至  
使公卿子孫恥遊太學工商凡冗或處上庠今聖道大  
明儒風復振恐須革正以贊鴻猷今請國子館並依六  
典其太學館量許取常參官八品已上子弟充其四門

館亦量許取無資廩有才業人充如有資廩不補學生  
應舉者請禮部不在收試限其新補人有冒廩者請牒  
送法司科罪緣今年舉期已近伏請去上都五百里內  
特許非時收補其五百里外且任鄉貢至來年春一時  
收補其厨糧度支先給二百七十四人今請準新補人  
數量加支給謹具如前伏聽處分

樊曰按選舉志所言  
三館學生皆與狀合

惟四門館八百人以庶人之俊異者為之豈公所謂量  
許取無資廩而有才業人充者歟疑朝廷從公之請而  
誌逆之也

唐故贈絳州刺史馬府君行狀

注詳本篇

君諱彙

一作某

字某其先為嬴姓當周之衰處晉為趙氏

孫曰其先本嬴姓伯益之後伯益生大廉大廉四世孫

中衍中衍四世孫仲湑仲湑生飛廉飛廉子季勝為趙

氏季勝十世孫叔帶去

周事晉叔帶五世孫夙晉亡而趙氏為諸侯

立為諸侯是

為趙獻侯其後益大與齊楚韓魏燕為六國俱稱王

其別子趙奢當趙時破秦軍閼與有功號馬服君子孫

由是以馬為氏

孫曰浣四世孫武靈王與六國俱稱王

武靈王于惠文王二十九年使別子趙

奢擊秦大破秦軍閼與下賜

奢號馬服君子孫以馬為氏梁有安州刺史侍中贈太

尉

尉岫岫生喬卿任襄州主簿國亂去官不仕喬卿生君

才隋末為薊令燕王藝師之以有幽都之衆

孫曰羅藝字子世京

兆雲陽人隋大業十二年十月

武德初朝京師拜武侯大

將軍

孫曰唐武德二年十月藝奉表歸國詔封為燕郡王賜姓李氏六年二月藝請入朝

封南陽

郡公卒葬大梁新里趙郡李華刻碑頌之君才生取為

王鈴衛倉曹參軍事贈尚書左僕射生季龍為嵐州刺

史贈司空

孫曰季龍舉孫吳倜儻善兵法科仕至嵐州刺史幽州經略軍使

清河崔元

翰銘其德於碑在新里司空生燧為司徒侍中北平王

贈太傅謚莊武

孫曰燧字洵美正元十一年八月卒

莊武之勲勞在策書

君其長子也

樊曰燧二子長即景次曰暢

少舉明經司徒公作藩太

原

樊曰大歷十四年閏五月以燧為河東節度使

授河南府參軍建中四年司

徒公使將武人子弟才力之士三百人朝行在扞衛

孫曰

建中四年十一月燧至太原遣景及大將之子與俱來墜於中渭橋

獻御服用物弓甲煮

器幄幕奔走危難上喜其勤超拜太常丞賜章服遷少

府少監太僕少卿司徒公之薨也刺臂出血書佛經千餘

言期以報德廬墓側植松柏終喪又拜太僕少卿疾病



一年貞元十八年七月二十五日終於家凡年四十有

五其弟少府監暢上印綬求追贈

一作賜

贈絳州刺史布

帛百匹君在家行孝友待賓客朋友有信義其守官恭  
慎舉職其朝獻奉父命不避難其居喪有過人行初司  
徒公娶河南元氏封潁川郡夫人贈許國夫人許國薨  
少府始孩顧託以其姪為繼室是為陳國夫人夫人無  
子一無夫人二字愛君與少府如已生其薨也君與少府喪之  
猶實生已親負土封其墓夫人滎陽鄭氏王屋縣令况

之女有賢行侍君疾逾年不下堂食菜飲水藥物必自擇將進輒先嘗方書本草恒置左右子男二人赦前左衛倉曹參軍駁右清道率府曹曹參軍女子二人在室雖皆幼侍疾居喪如成人愈既世通家

韓曰公嘗誌殿中少監馬君繼

祖墓言始余初冠應進士貢在京師以故人稚弟拜北平王於馬前王問而憐之召二子使為之主馬二子彙暢也今故云世通家繼祖暢之子也詳聞其世系事業今葬有期日從少

府請掇其大者為行狀託立言之君子而圖其不朽焉

樊曰左傳襄公二十四年穆叔曰豹聞之太上有立德其次有立功其次有立言雖久不廢此之謂不朽

# 復讎狀

韓曰事之首末已具載本篇舊史書於憲宗紀刑法志新史書於孝友張琬傳按新史所書自太宗時至是復讎者凡七人原之者三不原者四梁悅其一也大抵殺人者死有國常典而貸死者出於一時之特敕公此議欲令凡事發具其事下尚書省集議酌宜而行禮刑兩不失矣一本題有并序二字

元和六年九月七日富平縣人梁悅

孫曰富平屬京兆

為父報

仇殺人

樊曰悅殺秦果

自投於縣請罪敕云復仇殺人固有彛

典

因一作自

以其伸冤請罪視死如歸自詣公門發於天性

志在徇節本無求生寧失不經特從減死宜決杖一百

配流循州

孫曰是月戊戌敕悅杖一百流循州

由是有此議

右伏奉今

月五日敕

奉一作觀

復讎據禮經則義不同天

祝曰禮記父母之讎不與

共戴天

徵法令則殺人者死禮法二事皆王教之大端有

此異同必資論辯宜令都省集議聞奏者朝議郎行尚

書職方員外郎上騎都尉韓愈議曰伏以子復父讎見

於春秋

孫曰定四年公羊傳父不受誅子復讎可也

見於禮記

樊曰禮檀弓子夏問於孔

子曰居父母之仇如之何夫子曰寢苦枕干不仕弗與共天下也遇諸市朝不反兵而鬪

又見周官

韓曰周官調人凡殺人而義者令弗讎讎之則死

又見諸子史不可勝數未有

非而罪之者也最宜詳於律而律無其條非闕文也蓋以為不許復讎則傷孝子之心而乖先王之訓許復讎則人將倚法專殺無以禁止其端矣夫律雖本於聖人然執而行之者有司也經之所明者制有司者也丁寧其義於經而深沒其文於律者其意將使法吏一斷於法而經術之士得引經而議也周官曰凡殺人而義者令勿讎讎之則死義宜也明殺人而不得其宜者子得

復讎也此百姓之相讎者也公羊傳曰父不受誅子復讎可也不受誅者罪不當誅也誅者上施於下之辭非百姓之相殺也又周官曰凡報仇讎者書於士殺之無罪言將復讎必先言於官則無罪也今陛下垂意典章思立定制惜有司之守憐孝子之心示不自專訪議羣下臣愚以為復讎之名雖同而其事各異或百姓相讎如周官所稱可議於今者或為官吏所誅如公羊所稱不可行於今者又周官所稱將復讎先告於士則無罪

者若孤稚羸弱抱微志而同敵人之便恐不能自言於  
官未可以為斷於今也然則殺之與赦不可一例宜定  
其制曰凡有復父讎者事發具其事申下尚書省尚書  
省集議奏聞酌其宜而處之嚴曰舊史云梁悅為父復讎殺秦果特赦免死愈獻  
議執奏之按此議云殺之與赦不可一例宜定其制曰  
凡有復父讎者尚書省集議奏聞酌其宜而處之則不  
可謂之則經律無失其指矣一無謹議  
執奏矣  
律字

### 錢重物輕狀

孫曰唐史食貨志云自建中定兩稅而物輕錢重民以為患至是四十年當時為絹二疋

半者為八疋大率加倍豪家大商積錢以逐輕重故農日困末業日增穆宗亦以貨輕錢重民困而不充詔百官議革其弊公於是作此議樊曰時戶部侍郎楊於陵議曰今宜使天下兩稅推酒鹽利上供及留州送使錢悉輸以布帛穀粟云云此狀大率與於陵議合

右臣伏準御史臺牒準中書門下帖奉進止錢重物輕為弊頗甚詳求適變可以使人所貴賤貨通行里閭寬息宜令百寮隨所見作利害狀者臣愚以為錢重物輕救之之法有四一曰在物土貢

孫曰物土貢者謂隨其所有之物以為貢賦不

專責之以錢也夫五穀布帛農人之所能出也工人之所能為



也人不能鑄錢而使之賣布帛穀米以輸錢於官是以物愈賤錢愈貴也

一本錢上有而字

今使出布之鄉租賦悉以

布出縣絲百貨之鄉租賦悉以縣絲百貨去京百里悉出草三百里以粟五百里之內及河渭可漕入願以草

粟租賦悉以聽之則人益豐錢益輕穀米布帛益重二

曰在塞其隙無使之洩禁人無得以銅為器皿

祝曰皿者飲食

之器禁鑄銅為浮屠佛像鐘磬者蓄銅過若干斤者鑄錢

以為他物者皆罪死不赦禁錢不得出五嶺五嶺買賣

一以銀盜以錢出嶺及違令以買賣者皆死五嶺舊錢

聽人載出如此則錢必輕矣三曰更其文貴之

孫曰更其文謂

改其錢文使一當五而新舊兼用之凡鑄錢千其費亦千今

鑄一而得五是費錢千而得錢五千可立多也四曰扶

其病

祝曰扶助也一作助

使法必立凡法始立必有病今使人各

輸其土物以為租賦則州縣無見錢州縣無見錢而穀

米布帛未重則用不足而官吏之祿俸月減其舊三之

一各置鑄錢使新錢一當五者以給之輕重平乃止四

法用錢必輕穀米布帛必重百姓必均矣謹錄奏聞伏  
聽敕旨謹奏

五百家註昌黎文集卷三十七